



# **Universitätsbibliothek Paderborn**

**Ivdex Magistratvs Senator**

**Zype, Franciscus van der**

**Antverpiæ, 1633**

Cap. XIII. Patiens.

**urn:nbn:de:hbz:466:1-14280**

## CAPVT XIII.

## Patiens.

**R**Eliquum Dei Iudicis elogium Patiens. Igitur & Iudex <sup>1.</sup> cum mansuetudine audiat opus est : memor quòd ipse <sup>In audiendis litigis toribus.</sup> Deus fortis & patiens, suscipit mansuetos in Iudicio. *Ps. 142.*

illisque dat gratiam. *Prou. 3.* Iudices quoq; mansuetos in Iudicio dirigit. *Psal. 24.* viasque suas docet, ac illis præcipit ut ad verbum audiendum sint mansueti. *Eccl. 5. 2.* *Timoth. 2.* ipsum imitantes, qui mitis est & humilis corde. *Matth. 11.* ac tandem in salutem mansuetos exaltat. *Psalm. 149.* Ab hac virtute nonnullis locis ipsi Iudices denominantur, vt Romæ summi Auditores Rotæ, &c. Patientia sanè iræ inimica ex virtutibus maximè necessaria est Iudici; veritatem enim inquirere semper debet, quæ temporis filia est, iræ furorisve præcipitiis incognita. *Veritas de terra lentissimo elemento orta est,* & *Iustitia de cælo prospexit.* Spatio opus est, antequam Iudex tam disfuncta coniungat. *tum doctrina viri per patientiam noscitur.* *Prou. 19.* Recte Plinius *l. 6. epist.* 2. Iudicem plurimā religionis & patientiam debere, quòd ea pars magna sit Iustitiæ. id quod monet illud vetulæ; *Sinon vis audire, define imperare;* & innuit lantep. *D. de his que in test. del. in verb.* Audias patienter. Ideò leges iubent Iudicem litigantes causâ vtrimeque disceptatâ insuper interrogare, an aliud addendum habeant, antequam iuri dicendo se accingat : non recte aliter noscere causam Iudex potest, ignotam indicare non potest: ideò toties in iure nostro notio pro Iudicio habetur. Quin & ipse Deus qui vno oculi ictu omnia perspicit, cuncta supercilium mouet; *Iustus Iudex, fortis est & patiens.* Imò melior est Sapiens viro forti, & qui dominatur animo suo, expugnatore urbium. *Prou. 16.* Inde vel in sacris litteris Machab. *l. 1.* asseritur quòd Romani obtinuerint omnem regionem patientiâ suâ. quo genere Scipio etiam laudatur à Liuio *l. 26.* quòd in tot ambiguis Hispanorum legationibus fidem & Maiestatem adeò seruarit, ut nullum ferox verbū ei exciderit. *Spiritu ad irascendum facile quis poterit sustinere?* Quæ ratio videri potest quòd Galli extra orbem suum aliarū gentium imperia acquirere potuerint, retinere non potuerint. *Vir iracundus prouocat rixas;* qui patiens est, mitigat suscitatas. *Prou. 15.* quo nomine Liuius nō maiores Carthaginensiū quām Romanorū fuisse calamitates tradit, sed nequaquam pari ad patiendū

C

eos

eos robore , ac Romanos fuisse. Quæ altera pars est patientiæ Iudicis, vt non tantum patienter ipse audiat , sed & iras inter litigantes suscitatas mitiget , id est , radicem plerarumque li- tium exscindat. Ex ira plerumque lis nascitur , & ex ea cætera Pandoræ mala. Et in his ipsis etiam Iudicem patientem esse oportet.

*Cum inge-  
niotamen.* Circa Aduocatos , inquit Vlp. in l. nec quicquam D. de officio proconsul patientem esse proconsulem oportet. addit tamen ; sed cum ingenio ; ne contemptibilis videatur , nec adeò dissimilares , si quos causarum concinnatores tantum , vel redemptores deprehendat. Quamuis enim iustus & pius patienter aliorum malitiam sustinere debeat , non tamen Iudex vterius , quam publico vel illorum bono expediat. c. parat. 23. q. 1. qui potest obuiare & perturbare peruersos , & non facit , nihil aliud est , quam fauere eorum impietati , c. qui ostendit 23. q. 3. si vigorem negligimus , perdit desidia disciplinam c. iustum ibid.

*Atque vi-  
improbos  
co. riceat.* Allaboret igitur Iudex quantum vitia nostrorum temporum pati possunt , vt curia sua , & forum , loca ne sint exercendi in publico vitiis destinata , rabulas forenses coérceat & harpyias , præuaricari , calumniari , tergiuersari , res claras inuoluer , veritatem obscuram reddere ne permittat , sed maximè partes ipsas temerè non tantum , sed & malitiosè litigantes pœnis iure statutis puniat . quarum plerumque improbitate & auariciâ & lites excitantur , & iure peruerso agitantur . Neque enim (vt nec Ant. Faber optimè Cod. l. 9. tit. 22.) tanti malî causam in Procuratores , aut Aduocatos aut Iudices , quod à plerisque fit , semper detorquendam existimamus ; ne quod aliquorum singulare vitium est , in vniuersi ordinis inuidiam non minus temerè , quam iniuriosè deflectatur . Si vt homines , inquit Seneca (in lib. utrum animi an corporis morbus grauior c. vli.) ita causam quoque vnamquamque & litem examines , unde orta , unde profecta sit ; inuenies aliam à contumaci ira , aliam à furioso contendendi studio , aliam ab iniusta cupiditate originem traxisse . In id ergo Iudices debent incumbere , ne Iudicia affectibus obsequantur , ne concessa latrocinia videantur ; sed eos iudiciis emendent ; vt Cicero ad Politici officium retulit ciuitatem legibus fundare , regere consiliis , emendare iudiciis .